



兩浙鹽法續纂備考

第十一冊

卷十一

條案三





兩浙鹽法續纂備考卷十一
同治四年兩浙鹽撫部院據督辦浙西官鹽局詳

稱竊照滬瀆為海艘出入之區歷有漁鹽名目漁

船出洋就地裝鹽醃魚到滬銷售所贖鹽觔每船

約有十數石或數十石不等統計漁船千數百號

贖鹽不下二三萬石向由鹽公局收繳充公軍興

以後鹽務廢弛未經整頓沿海居民始行收買肩

販糊口繼至結黨成羣更復串同縣營之鹽快私

販實屬大干例禁業經本局附稟察核請在吳淞

地方委員辦理在案迄今未荷批示伏查是項漁

鹽當春夏之交實為岱山售賣鹽觔一大宗亦有

買自北洋者各漁船除醃魚之外順便夾帶淨鹽

希圖私販亦屬不少實於票運大有妨礙其船各

口俱進不止吳淞一處而吳淞聚會較多已有收

不勝收之慮祇因本局存欸支絀無可另籌查有


前辦官運局呈繳鹽本洋一千四百元尙可作為

收繳漁鹽之費與運司注返函商意見相同現在

兩浙鹽法續纂備考

卷十一 條案二

一



已屆漁汛急應趕緊舉辦未便稍稽是以於三月間劄飭委員前往吳淞地方諭令各漁行將出口漁船查明確數進口時赴局報明鹽數隨時查驗發價收繳並卽會同蘇松太道出示曉諭定價淨鹽給價每觔五文雜鹽給價每觔二文陸續先儘一千四百元之數收買茲據該員申報於三月二十三日在該鎮北廟設局開辦等情除成數分撥各府局搭銷查此項漁鹽前據該局附稟請於吳淞地方委員設局辦理等情當於本年正月初六日批飭據稟各層是否可行仰鹽運司會同牙釐總局迅卽妥議詳覆核奪並抄稟去後迄未會議詳覆茲據前情除抄詳批檄行運司查照外仰卽飭令該委員嚴督各漁行將進口出口各鹽數隨時確查收買認真辦理毋使蔓延滋弊以期化私爲官是爲至要

同治五年兩浙運使牙釐省局爲會銜詳覆事同
治五年七月二十一日奉批浙西總局轉詳吳淞
口棧商稟遵批仍辦棧務請發欸濟墊並擬呈變
通加增章程請示由奉批據詳各情並條陳變通
章程應如何妥籌全局俾岱商棧商不致鹽壅本
紬均無窒礙之處仰牙釐總局會同鹽運司迅速
逐加確核妥議具詳察奪併飭浙西總局知照繳
詳摺均抄發等因奉此伏查岱鹽到數甚鉅棧商
籌墊難繼業准浙西總局來咨已由本局劄飭嘉

湖二鹽局各撥錢一萬串解交浙西總局轉發該
棧商收領以資接濟一面仍照舊章招商分運蘇
松常鎮太四府一州各局銷售庶岱鹽不致壅塞
而棧商亦舒喘息前經報明查核在案茲復遵批
將奉抄摺內開各條會同逐加確核該棧商所擬
岱鹽到口投棧無商接運者奉諭照鹽價時值先
行籌給一二三成以示體恤惟岱鹽產數過鉅若
不予以限制深恐籌欸不繼定以六七八九四個
月爲度一條查岱鹽係屬化私爲官若不予以限

制源源而來何所底止應請以六七八九四個月
內到口者爲度由浙西總局先行出示曉諭以免
臨時爭執又擬內商接運岱鹽照章挨岱鹽到棧
號次以挨到應運之號給予內商接運其鹽價亦
照岱鹽由棧報過進日日時價計算一條查商人
惟利是圖善於趨避自應挨號接運並照是號岱
鹽進口之日時價計算以昭公允又以內商接運
岱鹽竟有掛號完過一半釐課鹽已配齊延擱不
運希圖抑壓後號者並有拖欠鹽本者擬於鹽勛

配齊之日一面內商付價一面由棧付鹽限五日
內起運如有拖欠鹽本及逾限不運者由棧報明
准後號商人鹽本一半釐課均已付清者先行起
運並以票章內載鹽價務須時值公平不得任憑
奸商居奇如值應銷某號鹽勛之時該商有意高
擡卽由棧詢問後號商人如有價值公平准其先
銷兩條一杜內商取巧一杜岱商居奇亦係變通
辦理應請劄飭浙西總局分別出示明白曉諭並
轉飭吳淞口局員隨時稽查以杜棧中有意提前

歷後之弊又擬請接運岱鹽改由分棧給價並買賣鹽餉商人眼同過秤兩條似均可行惟擬由總局劄飭各府局核計該商成本隨時定價發銷予以三分商利一條雖係招徠票商起見然運鹽到局既有先後不同而各府局鹽價均係隨時長落能否核計成本均予以三分之利殊難懸擬應請劄飭浙西總局轉飭各府局妥議具覆又以嘉湖廣建迄未通銷岱鹽緣路途較遠兼以嘉湖廣建定價過輕以岱鹽成本課釐等欸核之有虧無盈

以致運商裹足擬請量爲變通於嘉興所屬之乍浦海口設立分局棧由乍運赴嘉湖廣建等處銷售一條查原定岱鹽行銷浙西章程雖未議及岱鹽不准行銷嘉湖廣建等處然議令岱鹽專歸吳淞進口不准繞越他口正所以防微杜漸也蓋杭嘉兩所場鹽向行嘉湖廣建及蘇常鎮各屬引地本閩現收票運兼收化私爲官之岱餘沙各鹽分銷浙西蘇松常鎮各屬場鹽額引較多目下銷數已不敵化私爲官之岱餘沙各鹽幸嘉湖等處離

吳淞較遠尙無岱鹽到地可以疏銷杭嘉兩所各場官竈鹽筋然銷路已窄且有餘姚曬鹽河莊沙鹽分銷其間如海鹽平湖石門等縣又係肩鹽引地當此滯旺之時正形壅滯若再由乍浦設立分棧運赴嘉湖廣建等處行銷岱鹽竊思蘇松常鎮引地廢弛難興皆爲岱鹽所累改票以來嘉湖岱私來者甚少茲再設棧招之使來此端一開非惟目前杭嘉兩所場鹽銷路愈窄竈戶生計日絀所可慮者設奉更復舊章仍歸引商行運再欲禁止岱鹽竊恐勢有所難據請由乍設立分棧似難准行應請仍飭浙西總局轉飭吳淞口局諭令棧商凡岱鹽進口仍在吳淞口設棧收儲招商運赴蘇松常鎮太四府一州各局銷售毋庸再赴乍浦設立分棧並飭岱商仍由吳淞一處進口不准繞越他口奉批前因理合會銜議詳是否有當仰祈察核批示飭遵

同治五年兩浙鹽撫部院馬於本年正月初六日
准兩江督部堂咨開鈞船售賣岱私實與淮鹺大
有關礙小河一帶濱江南岸係浙鹽引地浙省已
專設輪船巡緝希卽轉飭承緝員弁力杜岱私以
絕根株等因當經飭行運司浙西總局速行分別
轉飭應巡承緝各員弁認真堵截力杜岱私來路
毋稍鬆懈去後今據浙西總局詳稱當查鈞船岱
私由海入江北岸則侵灌淮鹽引地南岸則侵灌
浙鹽引地現在浙省吳淞局所僱輪船僅能於海

面巡至張家厘瀏河楊林洋面一帶距江蘇設立
礮船在焦山地方相去尙有幾百里現因釐課分
辦經費不資已撤輪船一隻更形力單所留輪船
一隻專巡吳淞口南北兩面外洋海道遼闊能否
兼顧由海入江由福山至焦山數百里江面巡緝
事宜以期堵截淨盡業經飭由吳淞口局查明江
海各口地名及地勢情形並如何兩省合力巡緝
之處確勘稟覆去後茲據該局詳覆以浙西鹽務
因岱私充斥奉改票章旋因岱山梟徒滋鬧復奉

飭議於去冬約束岱鹽釣船准進吳淞一口照章
投棧聽候內商完繳課釐給照接運由內河運往
各屬引地行銷在案查吳淞口以南定岱等處各
山島口大半孤懸海外產鹽無算向用釣船販運
至浙省之澈乍等處海口及平金交界之白沙灣
江門營並華奉南川等屬之張家庫漕涇大澗江
海塘一帶歷來係勾通私梟聚集之處自賊擾以
來更無忌憚吳淞口以北寶屬之綠祈塘石洞北
川沙鎮屬之劉河新塘楊林七鴉段茜常昭之白
茆徐六涇許浦福山等處沿海著名口岸極多隨
處隨時均可侵灌南北海面遼闊並無扼要可遏
是以奉委後於上年六月間親赴口外南北洋面
察看情形擬請僱設輪船在於吳淞口南北海洋
緝捕以冀專歸吳淞一口惟查寶山以外尙有崇
寶沙綿亘海心東界崇邑北接海門其中道路紛
歧偷繞各口節節可通且由海達江南北相距一
千餘里私梟販運飄忽無常况釣船一項本有販
運米糧雜貨亦非盡裝岱鹽江海綿緲瞭見尤難

更慮夤夜偷繞追緝無從此卽有一二輪船萬難
盡截江海私鹽之大畧情形也現因浙省僅留輪
船一隻自吳淞以南之張家庫等處並迤北之福
山以下各海口巡緝南北數百里已屬不敷且恐
此拏彼竄其福山以上長江私販更屬鞭長莫及
照料難周應請責成各口岸緝私破船員弁隨時
堵遏以顧浙淮引地設有大股梟販聚集之處亦
卽會商江浙巡緝委員同心合力嚴密兜拏以期
私靖官銷庶於淮浙鹽務兩有裨益緣奉飭查除

分飭員弁嚴行巡緝外具文詳覆核轉等情據此
職道伏查該守所覆情形均已屬實所有鈞船岱
私入江自應責成兩省各口岸緝私員弁實力堵
截蘇省破船奉飭在於焦山左右駐泊盤查其焦
山以下數百里南北兩岸江面寬闊若僅浙省輪
船巡緝誠慮鞭長莫及除飭浙局輪船各船嚴加
巡緝外應請咨明兩江督院請分飭蘇省江海各
口文武營弁一體嚴緝庶於淮浙引地兩有裨益
並據另稟鈞船私販皆係海島私徒往往連幫結

黨勾串內地私窩浙江僅有輪船一隻實恐巡南
漏北顧此失彼蘇省雖有輪船數隻原爲解送軍
火軍餉及護運巡洋之用值鄰省軍務方殷自不
暇及地方梟徒之事惟護運巡洋須由上海崇寶
沙一帶向北而駛卽解送軍餉軍火亦須由上海
開行由福山口入江是其所經之路卽鈞船岱私
入口入江之路現既定章收岱鹽於吳淞一口不
准鈞私顆粒入江可否懇請鑒核函商兩江督部
堂飭令蘇省輪船於巡洋至瀏河口迤北及入江

之時就便帶查鈞船倘係裝載私鹽卽行查拏究
辦似此兩省輪船雖無會巡之事而有會巡之名
該梟徒等一聞此威聲當必更爲斂迹各等情到
本部院據此除批示並劄運司牙釐局外相應咨
明兩江督部堂請煩查照希卽分飭蘇省江海各
口文武營卡員弁一體認真巡緝並應否飭查蘇
省巡洋輪船就便帶查私鹽以固淮浙引地均祈
裁酌施行

同治五年浙西鹽局稟據管帶湘軍水師右營鄧都司稟稱竊標下於十月二十日奉諭赴蘇常鎮一帶督察各哨緝務於本月二十一日回滬中途接據駐巡金山縣之副中哨總哨十月二十一日稟報二十日派勇丁五名駕鎗划船一隻赴各處小港探緝私鹽隨時飛報并約會南橋礮船兩路策應是夜三更行至華亭縣屬之亭林地方見私鹽船四隻月下遙望並無後繼當即向前盤獲押回行未半里尾後大幫忽至前船逃逸之人復從

岸上回身邀集前後圍合石械齊施該勇等衆寡不敵各受重傷不能相顧鎗船被石撞損洋鎗一桿刀械兩件均被奪去該勇等大半受傷當時查點失去劉姓勇丁一名將船駕回稟知前情除一面調治傷患并訪緝此項梟匪踪跡及劉勇丁生死下落外理合稟請察奪前來等情伏查標下前因各口港汊分歧是以酌派礮船分駐南橋張堰等處聯絡聲勢仍令鎗划船不時探報以期周密茲據稟稱行至亭林地方陡遇鹽船據隘相阨拒

捕傷人搶奪軍械等情固屬猝不及防而該梟匪等目無法紀亦已至極若不稟報究辦梟匪何由斂戢除已批飭加意巡緝外理合據情轉稟等情到局據此伏查該營私船前在金山衛甘巷地方緝獲船鹽該鹽販等卽有聚眾拒捕中途圖劫等情當經稟奉咨明江蘇督撫院轉飭柘林等處各營廳縣及各口駁船隨時會緝嚴拏在案茲據前情該梟徒膽敢拒捕傷人尤屬不法已極除批飭該都司實力緝捕外相應稟請轉咨江蘇撫院及松江提督轉行各營縣嚴加會緝務獲究辦以靖私梟而肅鹺政

兩浙鹽法續纂備考

卷十一 條案二

三

同治五年兩浙鹽撫部院爲剴切曉諭事照得溫處地方係兩浙引地本不容私鹽侵灌因念溫溪地方土瘠民貧類皆販私爲業不欲遽行禁止致絕生計是以准其完納鹽釐以抵正課始而兩起兩驗每觔抽收釐錢十三文嗣復酌減每觔共抽釐錢十文已屬恩施格外該販戶具有天良應知感激乃訪聞該販戶等非惟不知感激膽敢製造六槳快船裝載散鹽希圖恃衆鬧卡實屬目無法紀當此防兵未撤之時不難調集兵勇按名拏獲

照例究辦本部院始念爾等鄉愚無知惟利是圖不忍不教而誅且查溫所係輕課引地所產鹽觔只准行銷溫處兩府不准侵銷別府正課引地與他處情形不同特再酌減釐金以示體恤合行剴切曉諭爲此示仰該販戶等知悉茲定於六月初十日起每鹽一觔共收鹽釐抵課錢七文仍歸兩起兩驗起捐二文驗捐一文五毫較之原定數目減而又減該販戶等須知販賣私鹽本有應得之罪收釐抵課係屬法外施仁此次減定之後務各

遵章完納以安生業不得再乘六槩快船裝載散
鹽恃眾滋事倘仍不服盤查希圖抗捐則是怙惡
不悛法所難宥本部院惟有派兵嚴拏儘法懲辦
決不稍寬毋貽後悔

同治五年浙西鹽局轉據鎮府鹽局稟稱淮南渡東壩釐捐局移於本月初二日辰刻有江北艍船十餘號揚帆闖卡當經巡勇喝令停泊查見每船約有鹽觔十餘擔之數並無引票其爲私販無疑該船戶等均係江北大口音始尙未敢抗拒皆云江北水災每船帶鹽數觔以爲餬口之計繼因陸續而來者不下一百十餘號之多均各執篙登岸恃衆逞強不服稽查護卡礮船彈壓不理當恐衆寡不敵且有老弱婦女一經查拏必致釀成巨案當

卽向其年老者三四人妥爲開導始各紛紛解散開船向西而去惟查艍船聚衆販私恃強闖卡實屬目無法紀移請飭令巡船嚴密兜拏以期私靖官疏等因到局更查前據巡船至南渡地方目擊艍船匪類連檣百餘號衝過蘇卡不服盤查護卡礮船及巡船寡不敵衆未能堵拏散入上沛埠等處鄉鎮當經劄調守口礮船放入內河沿路查拏並稟請暫調長龍水師船前赴江口沿江梭巡仍留湘軍右營於內河堵緝在案今准南渡捐局移

會兜拏業已嚴督礮巡各船往來堵緝惟查九月以來江北被水難民紛紛渡江其攜有淮岱各私者亦屬不少但實係窮苦災民勢難查禁漸至艍船匪類乘隙而至假稱難民闖入口卡較之私販尤爲兇惡目前菜銷已屬無望若再任其接踵而來勢必至徧地私鹽浙課江釐均難起色所有礮巡各船顧此失彼防不勝防再四思維惟有稟求咨請江蘇督撫部院通飭鎮屬各府縣營汛局卡於各境地口卡嚴密稽查如非實在難民一概不

准混入如有夾帶私鹽假稱難民者卽行拏辦如此嚴加整頓庶冀私販斂跡官鹽漸銷釐課亦有所出管窺所及是否有當伏乞示遵等情到局據此伏查該處人民膽敢藉因被水攜帶私鹽隨地私銷且連檣百餘號衝卡不服盤查實屬罔知法令若任其接踵而至誠如該守所稱浙課江釐均難起色自應咨請江蘇督撫部院通飭各府縣營汛局卡於各境內嚴密稽查如非實在難民一概不准混入如有夾帶私鹽假稱難民者卽行拏辦

以倣其餘據稟前情相應具文詳請伏祈照詳施行

兩浙鹽法續纂備考

卷十一 條案二

七



以倣其餘據稟前情相應具文詳請伏祈照詳施行

同治五年台州府爲遵飭詳覆事竊照本月初五日案奉劄准黃中營遊擊據商人等請將黃太二縣引鹽仍照舊章完課歸商承辦等由本司查浙省鹽務現未請頒部引杭嘉松紹四所奏請改行票運溫台二所現辦釐鹽而鹽課則較之從前引課有盈無絀似難一時驟復舊章至台屬辦理釐鹽章程前奉鹽院飭查台府轉飭稟覆在案茲准前由除備文移覆並移會牙釐省局外合行劄飭劄到該府立卽遵照前劄事理將黃太二縣及該屬其餘各縣鹽務現辦釐鹽章程尅日具覆以憑核奪等因奉此遵查前奉鹽院劄開照得兩浙引鹽自試辦票運以來各府均已設局辦有頭緒惟查該府食鹽如何定章抽釐每觔共收幾文有無單照發商領運是否歸入百貨釐局兼辦本部院衙門無案可稽合行劄查劄到該府卽便查明該屬食鹽如何定章收釐遵照前項指飭抄呈各案備查如抽收過重亦應核減一併妥議尅日詳覆等因伏查台所九縣僅有四縣產鹽黃巖最多甯

海臨海次之太平又次之其運鹽要處一在臨邑之海門一在甯邑之海游一在黃邑之五蕩太邑之金清等處厥後引地廢弛私鹽充斥自克復後經前總辦釐務議請以同治二年四月十五日起抽收課釐稟明辦理在案隨有台所商人應韓玉稟請試辦於三年四月間稟請頒發臨海仙居兩縣帖截在於郡城開設銷運官行八月間復有商人應仁久等請領永康縣帖截其運鹽均由郡城經過經前委員於郡城外設立西南兩局互相起

驗收捐議定每鹽一觔抽收課釐錢三文三年三月每觔加驗票錢二文計共五文時縉武等縣尙未請帖其鹽卽在仙臨永官行內融銷至上年九月始據商人楊德清請領縉雲帖截認充曾經稟明牙釐省局在案惟武義一邑前有舊商張履豐等試行未及一載旋即停止尙未招有認辦之商而該邑食鹽仍融銷於台所官行因查台屬鹽務本難整頓向有化私爲官之案現在只圖認還釐課雖私亦作官論因思郡鹽來路必由海門前此

僅有郡城設局收釐緝私費盡全力化官未得半效而郡城下水至海門有百餘里支港汊路徧地皆私且兩局浮費又重故於上年閏五月二十日稟將郡城兩局改歸海門一局起驗併捐仍收課釐錢五文局費既減官鹽暢銷釐務始形起色此臨海仙居永康武義縉雲五縣改歸海門捐局抽收課釐之情形也其甯海配運者查先於同治三年九月十七日有商人羅柳楨前經領帖承充在甯邑之海游地方開設鹽行因該處均係肩挑販

戶議定每觔抽收課釐錢三文止捐一起天台食鹽概由海游挑運是以向章天台鹽課併歸甯繳其天台未有商人以前因甯鹽既在海游收有釐金亦卽融銷天台縣境旋據羅柳楨循例兼領天台鹽帖業經轉詳在案前此海游匪棍充斥仗私梟以設私行雖委員設有釐局莫能稽查卽捐釐聽其自便不到十分之四而鬧局毆勇之案層見疊出查悉前情卽親詣該處拏辦匪棍一面清釐鹽務押令私行閉歇併歸官行經理俛局員得以

盤查其課釐每觔仍收三文不准折增從此匪風漸熄鹽釐漸旺嗣於設局後綜計每月之銷數諭令該官行按月包繳仍留勇丁幫同巡緝以歸簡便此甯海天台兩縣由行包繳課釐之情形也至黃巖太平兩邑概係私鹽就竈挑銷或由地棍收埠頭費或假廢帖收行用錢強者捷登遂成無主溷亂之舉前據蘇豫豐遵例稟請開行試辦尙未著有成效惟各縣均銷認收課釐之官鹽獨黃太

二縣聽任私充無論爭端所在需餉所關實有礙

於持平之政愈敢不平之鳴也現擬仿照紹屬就竈抽釐章程委員會同該縣場斟酌議辦一俟辦有端倪再行稟明核辦此黃太二邑課釐未辦應辦之情形也至商人領運向有單照爲憑伏查台郡鹽釐試辦之初向未請給單照歸入百貨釐局抽收卽以局收聯票爲據以歸簡易所有各縣原稟請領官帖鹽行遵奉道批令在各該縣境內分設子店便民准其漸次開設分運行銷不准有多取擡價等事并飭令地方營弁督同緝私以昭一

律迄今官鹽每觔釐課在船販仍收五文在肩販
仍收三文均一體嚴絕私索病民之弊今奉飭議
減捐一節遵查前頒杭紹嘉松通變章程商運季
鹽每觔收課釐錢十二文另收護費五文杭所每
觔收課釐錢十二文二毫嘉松等場及紹所住鹽
每觔收課釐錢八文紹屬肩鹽就竈收捐每觔收
課釐錢四文肩鹽過卡每觔加捐課釐錢八文其
餘岱曬鹽過卡到地行銷每觔捐課釐錢十文耗
錢一文甯波府屬肩鹽過卡亦加捐錢五文是台
屬鹽捐比較各屬均覺從輕卽百貨釐捐亦屬減
無可減除詳覆鹽院外茲奉劄查合將台屬各縣
現辦釐鹽章程備文詳覆

同治六年總理各國衙門據英國阿使照會稱昨奉本國來文內開英商販鹽進口售賣係商定條約所不准行者務希貴大臣照會中國可否酌量解禁以爲變通之計等因前來查現在各省所辦鹽課於中華害亦不微誠鹽課入曾和受累與國課最關緊要此本大臣所深知者惟能開禁准令各洋商納公平稅餉每百兩抽銀若干准其販運則各處關稅顯可加增甚多而

國課亦能獲益不致有虧累之處本國所出至美之

鹽如果准令販運進口非但鹽商等獲有利益即本國亦無不感慰查鹽係日用必須之物如准該商等將較佳較賤之鹽由外國販運各日均與國課廣有加增此兩益可以決其必有若按照新法而行如果有害亦不過辦鹽數人暫時受累俟該人等覓得更爲獲利之貿易則有利無害民生國課皆大有裨益如貴親王以爲販鹽之貿易不能全行解禁何妨立定年限先爲試辦譬如定期三年則自明年外國正月朔爲始試辦三年卽知其

是否可行各口不必通行開禁只須酌量數口試
行其鹽卽售與沿海省分如此辦理則售洋鹽之
地卽有限制亦可因時將行鹽之法漸爲治理妥
協或者辦鹽之處其人力資財亦可爲他事之用
也

又據英國阿使照覆稱同治五年六月初二日准
貴大臣照會內稱現在各省所辦鹽課最關緊要
惟能開禁准令各洋商納公平稅餉每兩抽銀若
干准其販運則各處關稅顯可加增甚多等語並

擬立定年限酌量海口試辦三年其鹽卽售於沿
海省分各等因前來本爵查食鹽一項中國向例
均有一定口岸不得彼此侵灌例禁綦嚴若任令
商人等視爲尋常貨物紛紛販運是外國之鹽卽
可運至內地則內地之鹽勢必全行開禁漫無限
制與中國之政教禁令未免紛更溯查咸豐十一
年以來有依倫馬時多船及火拍船裝載松鹽並
內地鹽船交外國輪船拖帶暨鎮江雅副領事詳
請領令江海關隨時發票註明准該船先納鹽課

後令裝鹽等事均經彼此公商嚴行禁辦在案且善後條約第三款以食鹽一項指爲違禁貨物不准販運自應遵照禁止若欲酌量解禁則一款既可變通各款均爲虛設與從前商立章程本意似不相符此件關係中國各省鹽法全局相應照覆貴大臣體察仍飭商人恪守條約可也

又據英國阿使續行照會稱案查前於本年六月初二日本大臣將鹽禁一節可否變通辦理爲便照會貴親王在案茲查蘇浙兩省早已酌定鹽務

變通章程實因素知海道每有私鹽進口不能斷絕故將章程變通令私鹽亦可納稅鄙見甚爲明辨又私鹽既經解禁各國鹽舫何難按照變通章程亦准進口納稅蓋私鹽進口奉票進內地某處售賣係有定制已有印本爲據如此辦法係屬成例而來鹽加多之由毫無窒礙

國課非但無損更有裨益尤以鹽多進口價值輕減係於民人有益而

國課尤可增多既有定章徵稅亦不致另有繁累之

處若論洋商販鹽進口難於取利此憑該商等自
試而已要在二節一則洋鹽進口價值輕減於民
國有益則外鹽既多重向來規費以資一法以
國課廣有加增本大臣甚願貴親王不難按照辦理
並希迅爲照覆可也
前來本籍查鹽局
總理衙門給英國照會爲照覆事同治五年六月
初二日准貴大臣照會內稱現在各省所辦鹽課
最關緊要惟能開禁准令各洋商納公平稅餉每
兩抽銀若干准其販運則各處關稅顯可加增甚
多等語並擬立定年限酌量海口試辦三年其鹽
即售與沿海省分等因又於六月初九日覆准續
行照會內稱蘇浙兩省早已酌定鹽務變通章程
私鹽即經解禁各國鹽筋何難按照變通章程亦
准進口納稅各等因前來本爵查鹽課一項每年
國供支

國用爲數不少關係甚重向來販運均有一定口岸
不准彼此侵佔正所以保護商人近年因軍務繁
興道路梗阻華民率多失業蘇浙等省鹽務皆有

變通章程改票抽釐等事非僅爲

國課兵餉均有裨益兼爲補救華民生計緣此中資以爲生之人不啻千萬若將此項亦許洋船販運則此盈彼絀不獨辦鹽之華民難以謀生卽近年緣洋船快便因而失業之華船更無生路是以從前卜大臣曾有此說當經彼此公商仍行照約禁辦所有此中礙難情形自應據實照覆想貴大臣亦必以爲然也

衣必以爲然也
轉視官此中
前生夫里曾言此
絲絲賦地野因而失業之華船更無生路是以從
限此盜船輸不獨辦鹽之華民難以謀生卽近年
以爲生之人不啻千萬若將此項亦許洋船販運
國課兵餉均有裨益兼爲補救華民生計緣此中資
變通章程改票抽釐等事非僅爲

同治六年浙省牙釐局爲曉諭事照得黃太二邑引地鹽務廢弛已久積弊叢生若不亟爲整頓恐私販日見充斥官引難以行銷實於台所釐務大關係茲據台州府稟請設立官局收買竈鹽發販行銷先將各竈戶編立保甲核計每竈產鹽大數諭令各照時價歸局平收由局發販應銷引地如有窮竈不能煎鹽由竈保具結到局給本承煎立限繳鹽抵還成本販戶赴局領售每觔除價本外收釐加耗作爲辦公用項並分別革除各衙門陋規以杜擾累等情經本司道等悉心酌議不特課釐可期起色卽窮竈皆得藉以營生辦理甚屬妥協詳奉鹽院批示如詳辦理並經該府擬具編竈給護各欸章程稟奉鹽院批飭轉行遵辦一面出示曉諭等因除劄飭台州府遵照辦理外合將所擬各欸章程頒示曉諭爲此示仰竈戶鹽販人等知悉嗣後黃太鹽觔務須遵照後開條欸歸局收買發販分銷不准狃於積習仍前售私爾等須知設局收鹽給本承煎實爲籌贍窮黎起見竈民

具有天良當知感激如敢再有玩違一經查拏定
卽從嚴懲辦決不寬貸

條款

- 一黃太鹽務竈戶肩販私自煎銷歷年已久從未
領發煎牌烙籌亦無保伍團長稽查約束今設
官局自應編竈給護查明團額保甲除議立竈
董外設立保伍團長每團立一團長五團設一
保伍由府局發給護照以別官私一面責成竈
董保伍查明實係窮竈給本開煎繳局發販一
切發本及稽查私煎均歸竈董保伍領辦由局
勾稽以專責成

- 一於沿海竈地設立團厥分局編列字號收儲鹽
勛按日按月挨次輪銷竈戶繳鹽亦挨次輪收
鹽須乾潔不准攙和洋照時價錢用制足不准
經手人等侵扣留難除老少鹽由局照例按本
發給免抽釐課外餘概照章完納釐耗如就近
肩販准向就近厥局報明地段給照行銷仍令
各厥局按日申報專局查核其遠地肩船各販

及牙行子店醬園應令均赴專局領配倘有私相授受查出照例懲辦

一局中收價照柴本貴賤隨時酌定其發價總計收鹽成本加入滷耗飛灑運腳包索等費再加釐金並耗每逢月朔均先懸牌曉示一面按月摺報備查其應給運商滷耗飛灑亦隨時照章酌給至黃太鹽秤輕重不等現定各局出入概用官秤以昭劃一

一於水陸要口酌設局卡以杜私販侵越並於設

兩浙鹽法續纂備考

卷十一

條案二

三

一局之始將竈私一齊收盡傳知圍鹽民戶悉數報局查驗限一月內繳完釐金給與聯單聽其自賣仍隨時將賣數報局查考其醬園囤儲之鹽一體報明完釐給照備查逾限不報作私鹽

論

金鹽課稅

一台所鹽務廢弛多由象山石浦私鹽衝銷此時應先禁私銷然後官運暢行引地可復查甯海內外兩場產鹽無多全賴定海石浦等場鹽餉運抵海游投行秤配每年迄無定數今官運既

設自應融銷以杜外來之私倘本所鹽不敷給
一面申報遵向鄰近借配所有外私越銷自應
查禁

一無論官卡民間緝獲私鹽報繳專局除照例四
成充賞外其六成之欸應請就撥黃太二邑充
作本地書院義塾普濟育嬰之需附冊另報俾
士庶有惠均沾可期踴躍

兩浙鹽法續纂備考

卷十一

條案二

三

士庶有惠均沾可期踴躍

一無論官卡民間緝獲私鹽報繳專局除照例四

成充賞外其六成之欸應請就撥黃太二邑充

作本地書院義塾普濟育嬰之需附冊另報俾

士庶有惠均沾可期踴躍

一無論官卡民間緝獲私鹽報繳專局除照例四

成充賞外其六成之欸應請就撥黃太二邑充

同治六年台州府稟爲前因黃太兩縣鹽務辦理官運所需成本較鉅當將實在情形具稟請示茲奉運司衙門批開黃太鹽務辦理既有頭緒似難中止惟經費浩繁現擬因地制宜另求簡易之法捐釐助餉尙無不可仰再妥協籌議務期於事不繁於公有益民竈相安尅日另稟核辦並奉牙釐局批飭就地妥確查議覆奪各等因奉此遵卽轉飭該印委各員會督在事紳董趕緊妥議去後茲據黃巖縣知縣會同黃太官鹽局委員等稟據紳

董稟稱黃邑鹽務廢弛多年整頓不易且本地素乏出境運銷大販僅止貧乏小民以數百文貲本肩挑鹽觔在於本境售賣若改辦捐釐每觔抽收正耗釐金三文三毫雖較他處爲減而該肩販卽須增添貲本實屬力有未逮再四籌維惟有懇求格外體恤除出境運銷之鹽仍照海門局舊章辦理外所有黃邑本境肩販每觔酌抽釐金錢一文七毫就竈出賣之際責成團長司事過秤收釐繳局如此量爲減收在貧販既得輕籌貲本易於周

轉在民間亦可免食貴之虞定能垂諸久遠酌議章程呈請核轉前來復查該縣鹽務廢弛百有餘年今擬開辦事同創始因各肩販皆係農種貧民是以前議每觔完釐金錢三文耗錢三毫已較他處爲減現當庫藏支絀之際鹽釐抵課多抽一文卽多得一文之接濟豈容一再核減致有偏枯惟念各肩販本輕利薄以視出境運銷大販迥不相同該董等所陳肩販措本維艱係屬實在情形因地制宜似應量爲變通准如所請所有運載出境

銷售之鹽仍照海門局舊章辦理其本境肩販每鹽一觔酌抽釐金錢一文七毫連耗在內以示格外體恤至肩鹽完釐本應概給牙釐省局聯票惟零星肩販需用孔多赴省請領往返耽延誠恐一時未能接濟今酌定商運鹽觔照舊填給省票至各肩販所執當由局刊刻聯票分給填用飭令各卡責成肩販頭目將每日給過鹽票每晚收齊彙換省局聯票一張以昭慎重現在正當菜市需鹽之際已經先行出示曉諭定於十月初七日飭令

黃太印委各員先行開局並飭太平縣仿照黃邑章程趕緊一體勸辦除將太平開局日期另行稟報並有未盡事宜容督率兩縣印委各員紳董等隨時妥議稟請鑒核外惟黃太兩邑鹽務甫經開辦地方遼闊稽察鹽竈巡查肩販在在均關緊要雖經飭委各員會同各縣令督率司事照章妥爲辦理可期無誤然遇有應行稟商隨時措置事宜遠隔郡城誠恐未能兼顧非得另委賢員總司其事不足以昭慎重相應稟請於運判同知或知縣

中遴委一員前來總辦以專責成而重釐欵合將黃邑鹽務現在改辦捐釐開局日期並將該董等所議章程開具清摺另請委員前來總辦各緣由理合稟明察核示遵再黃太鹽務久廢整頓綦難屢飭員紳互商查辦將近一年委曲下情諒邀洞鑒所有往返日用搭造版廠各經費及以後每月應需若干尙難預定容俟開局後飭令各委員逐一覈實開呈到局再行核報

同治六年兩浙鹽撫部院爲嚴切曉諭事照得定海岱山等處曬鹽尙不准侵銷場鹽引地前因江浙克復之始場竈尙未復業是以改行票鹽招商領運並於岱山設立票運局准該處曬鹽各戶照章完納課釐領票配運破成格而曲予生機所以瞻爾島民者不爲不厚乃岱局甫設卽有該處不逞之徒出而阻撓上年復於吳淞口招商設棧仍准岱鹽駛進吳淞一口設棧登號聽候內商接運與場鹽分成搭銷其餘海口概不准其私行侵灌

嗣有不法私梟違禁販運被巡緝礙船兩次拏獲人鹽膽敢乘間脫逃拒捕奪犯殺傷兵勇疊經咨會江省地方文武會同嚴拏尙未弋獲本年因浙西各局收存場岱鹽劬積至六萬餘引岱鹽進口之數倍於場鹽日形壅滯場引之不銷實爲岱鹽所侵必須禁絕岱鹽始能挽回場引本部院垂念島民艱苦於無可搭銷之際仍飭吳淞局設法兼顧自三月爲始每月准收岱鹽二千引由委員按引核收招商搭運并先籌給一二三成鹽價餘鹽

概不准收並不准私侵引地以示限制業經剴切示諭在案該岱民具有天良自應翕然感化一體恪遵茲據浙西官鹽總局稟報三月二十三日復有岱人糾眾挑鹽闖入吳淞報運局狂言挾制必
要盡收岱鹽全行給價並敢毆辱局員搶毀器具衣物迨輪艇各船勇丁聞聲往捕仍敢聚眾抗拒兇橫情形殊堪髮指是本部院於爾岱民屢施法外之仁爾等竟萌得寸則尺之計况敢聚眾鬧局要挾逞兇種種冥頑情同化外若不嚴拏懲辦何

以衛引地而輯梟風除飛飭本省緝私巡洋輪船廣艇及內外水師礮船刻期駛赴吳淞口並咨會兩江督院江蘇撫院派撥捕盜輪船嚴飭地方文武暨沿江沿海水師一體會拏滋事各犯兼嚴查岱私不准片引進口外合亟嚴切曉諭爲此示仰岱山各畧居民曬戶人等知悉爾等須知設局酌收岱鹽原係法外示仁爲體恤島民起見今爾等愍不畏法膽敢一再鬧局實屬自外生成所有吳淞口報運局此後應即停止收鹽仍嚴拏爲首滋

鬧之人盡法懲辦以昭炯戒嗣後各畧再有鹽船
下海一經拏獲卽治以私販之罪決不姑寬該島
民等本多善良急宜作速改圖或勤力耕作或駕
船網魚皆可以資生活切勿執迷不悟仍以曬鹽
販私爲得計甘蹈法網凜之

類錄餘錄信甘飭治歸察之
缺隣魚首所以資生而謀利者雖不計所以調劑
只等本及善員急宜計數必圖治道以博中夷
不舞一鹽察餘明前以味現文與典不故以結
關文入益其添撤以阻歐年關參各專并官鹽課

同治六年浙西鹽局爲詳請事准蘇松太關道移
案奉通商大臣衙門批本道稟覆奉查利貞號控
錢德奉私販並彌樂納鹽店停止巡費應否動支
請示由奉批彌樂納鹽店經該道再四辨駁始據
該領事飭令停止又借巡費挾制勒索希圖鬆動
破我範圍事關鹺綱大政與通商各口大局不得
惜小費而致貽誤即使華商無人頂充只得勉爲
應付俾知中國鹽務萬難假讓不使覬覦得計所
請由浙西鹽局及關庫碼頭費項下每月每處支

洋二百元按月應付應准照辦此後或減或停或
覓人接充仍隨時察酌辦理仰將停止日期另詳
請咨繳等因奉此合就抄稟移知查照希將道庫
墊放上年法十一月起至本年法二月止共洋一
千六百元速籌一半洋八百元解道歸欸等由查
抄稟內開奉批職道呈送十一月中旬繙繹新聞
紙內有利貞號告錢德泰在洋界開設鹽局一條
查鹽爲中國大利前法界內欲由洋商自開鹽店
迭經飭令該關道照會領事照約嚴行禁止此案

利貞號與錢德泰是否均係洋人在何國租界內開張既係私開鹽局私販鹽筋因何以初犯免究了結仰卽分晰查究具覆勿任違延此批等因到道奉此卽經轉飭會審公堂錄案稟覆去後茲據該公堂稟稱十一月十四日利貞號控告錢德泰私販鹽筋一案係汪令遠會審據是日鹽巡扭送華民錢德泰一名聲稱有人控其買私請究前來訊據供稱鹽係自買食鹽并無私販等情而原告亦未到案無從對質當以該犯買私自食似與私

販者有別姑念初犯嚴諭釋放至新聞紙所云利貞號卽係華商陳琳川所開之利昇廣貨號因該商曾於本年八月間在浙西官鹽總局請有執照在英美界內開設廣利瑞綸永厚恒昇泰源鹽店五處承銷官鹽洋人向呼該商利昇爲利貞故仍以利貞呼之是日並未到案此外英美界內亦無洋商私開鹽局之事至歷來拏獲私販均經照章將鹽犯移送松太局訊辦從未敢輕釋也等情據此查此案新聞紙內所稱利貞係華商粵人陳琳

川承領官鹽所開字號錢德泰亦係華人均住英國租地界內錢德泰并非私販乃係食鹽是以會審委員等念其初犯從寬釋放係屬實在情形惟法國租地界內鹽務洋商雖早禁止而事尙未結不得不更陳之法界彌樂納開設鹽店一案於八月十五日已將詳細情形稟陳奉批速與法領事力爭飭令卽日停歇并卽移會浙西官鹽總局凡賣大宗鹽觔者須查詰來歷方准交易仍嚴拏私販之人務在於未歸場之先查收淨盡使其無賴

粒可買或諭禁法界華民不得向彌樂納鹽店購買無論如何設法必須禁絕不行此事關係中國鹽務甚大未便專以照會公使飭禁爲諉如該關道查辦不力官鹽局或爲所朦均難當此重咎也至該界應如何招令華商仿照英美租界鹽店一律辦理之處并卽妥商酌辦等因奉此經移知浙西官鹽局照辦一面遵照批示復向力爭而該會總以條約僅禁進出口并不禁租地開店爲詞強言狡執辨駁至再絕無轉旋之機伏查鹽務爲

中國大政各省地方通商者非止上海一口卽上海一隅通商者亦不止該國斷不能任聽開店嘗試以致各口各國紛紛效尤有礙釐綱大局第該洋人旣違禁開設必不仍買官鹽近來場岱私鹽暢行充塞內地浙西鹽局若無巡緝之法焉能使之顆粒不漏至華人貪賤食私卽使官爲諭禁亦皆陽奉陰違何況事涉租界尤多掣肘之處職道輾轉籌思來源旣不能清總不若著令停歇以絕根株方爲正辦此案該領事冥頑不靈絕難理喻

職道節次往返商諭告以中國旣通和好卽使條約未經明晰詳載凡有不便於政體者彼此均須幫同設法阻止所有彌樂納鹽店現在鹽局招令華商接頂開設務卽著令彌樂納迅速停止不得再有抗違茲據該國副領事狄隆來道傳述該總領事聲稱若論條約斷可在界內開鹽店今若須令停止惟有一法可以善全緣彌樂納開辦之初在該國籌防局領照并九十兩月巡費等項共用過洋一千五百元現在鹽勛計價尙值一百二十

八元若由華商頂辦此欸應由華商貼還後方肯
交替並云彌樂納與籌防局議定每月交巡捕巡
洋四百元亦應由華商按月照付等語察其情詞
舍此無可再議當將貼費鹽價兩項商之鹽局允
爲先行籌付令其將店卽日閉歇并向言明此後
不得再准洋商開設其巡費一項每月需洋四百
元之多實覺太重誠恐無人認開此時祇可著交
二百元俟將來銷數暢旺再行酌加倘華商虧本
停止則巡費亦當停送據該總領事復稱此項巡

費係籌防局收取彌樂納在該局領照之時議令
以本年法九月初一日爲始照繳兩年均係按月
送交若華商不能照數交費伊亦不能飭令彌樂
納停止等語當又疊次函駁該領事允與籌防局
商停以一年爲度而四百元之數萬難短少職道
因鹽局早有華商承充之議遂亦勉強應允旋據
該總領事函知彌樂納已於八月二十九日停止
賣鹽職道覆查屬實卽經移知浙西官鹽局招商
頂辦乃各鹽商均以該處巡費較重視爲畏途至

今迄無承充者昨復據該總領事照會聲稱十一
十二兩月巡費萬難再延已由該總領事墊付刻
下既無華商接辦此欸應先行由道措還倘道中
不認此欸則彌樂納仍須復開等語挾制勒索伏
思該酋等朋比爲奸無非仗在租界中國地方官
不能禁止令行因職道必欲令其閉歇遂借此爲
籌防局力爭月欸若置之不理不特嘍瀆無休且
難保其不藉口復開歷觀近來新聞紙內所載各
國洋人於鹽務一節莫不覬覦垂涎躍躍欲動是
刻下所爭不僅上海一隅實爲各口大局攸關則
此項巡費似不得不勉爲應付以示中國鹽務萬
難假讓之意惟現在承頂乏人費無所出可否由
浙西鹽局及關庫碼頭費項下每月每處支洋二
百元按月應付將來或減或停或有華商接充再
當隨時察看辦理是否有當伏乞鑒核示遵稟奉
批飭前因抄稿移會到局准此伏查此案於上年
七月間查知法國租界有洋商彌樂納買賣食鹽
正在移道禁止適准道移訪聞前事函致法領事

並發送條約飭令停止去後接准法領事覆函稱
該洋商辦買官鹽非販運私鹽進出口者可比與
條約無礙是以公董局給照赴官鹽局認稅認捐
領買官鹽應准該洋商銷賣等語究竟該洋商曾
否赴局領鹽應如何禁阻抄錄往復信函移詢到
局當查該洋商并未到局認稅認捐領買官鹽况
內地食鹽洋商不准干預條約甚明即使到局認
領亦難照准現在英美租界鹽店皆由華商開設
酌貼外國巡費議辦有案移請由道照會卽飭彌

樂納停止辦鹽另招華商開設鹽店以歸一律而
符條約嗣經關道稟奉通商大臣衙門批飭力爭
禁阻錄批咨會并節次照錄法領事辯論信函移
局招商承頂彌樂納鹽店當飭松太局招得英美
租界鹽店商陳琳川前往議約該商因月索巡費
洋四百元并須還彌樂納墊欸洋一千六百二十
八元無力承充稟求減價移道轉商反覆多次法
領事函詞固執以彌樂納鹽店已於八月二十九
日停止索取墊欸巡費無可理喻關道與職道商

酌先將彌樂納墊欸洋一千六百二十八元由局
籌解關道轉給以免藉口復開巡費一欸應由商
付又飭松太局設法招商旋據該局覆稱以巡費
過鉅多方招勸百無一應又經移道核商乃該領
事以業經墊付巡費兩個月屢次挾制勒索不得
已復由關道先後墊給四個月巡費洋一千六百
元各在案此職道與蘇松太關道互商禁止法商
彌樂納違約賣鹽停止鹽店後籌給墊欸墊給巡
費之大概情形也茲准前因并准核取前墊巡費

一半洋八百元細繹通商大臣衙門批飭實爲顧
全大局起見自未便吝惜小費况此項巡費洋四
百元已准於上海關庫碼頭經費項下籌給一半
事關通商各省鹺政自應遵批由浙鹽局每月籌
解洋二百元俾資轉給惟查是項貼費礙難於正
課項下動用而各票商所繳內河海洋巡費月發
輪礮各船經費薪糧尙屬未敷再四思維祇有耗
錢一欸照章三成解省七成留貼局用但爲數無
幾亦恐不敷分撥查嘉局商巡之費係於該屬醬

銷項下每觔提錢二文冊報有案茲上海係松太
鹽局所屬可否卽飭松太鹽局在於所屬醬銷項
下每觔提錢一文貼補上海夷廠巡鹽之費如再
不敷卽將七成耗錢內湊足洋二百元以資解給
職道等未敢擅便謹查核原案擬議詳請是否有
當伏乞批示飭遵

兩浙鹽法續纂備考卷十一終

兩浙鹽法續纂備考

卷十一 條案二

吳



